

Prestasi antarabangsa kriteria pilihan

» Syahir Syahmi dan Laylatun Qadrina dinobatkan Olahragawan, Olahragawati UMP

BERITA HARIAN (SUKAN) 25 MAR 2015 m/s 46

Oleh Mohd Rafi Mamat
bhsukan@bh.com.my

► Kuantan

Pencapaian cemerlang di peringkat antarabangsa menjadi kelebihan kepada atlet petanque, Mohammad Syahir Syahmi Hassan dan Laylatun Qadrina Amrizal dinobatkan sebagai Olahragawan dan Olahragawati Universiti Malaysia Pahang (UMP), Ahad lalu.

Anugerah Olahragawan dan Olahragawati harapan pula menjadi milik Mohammad Syazwan Fauzi dan Nur Amirah Mohd Nasai yang turut melakar kejayaan dalam acara petanque.

Bagi Mohammad Syahir Syahmi, 22, pencapaian terbaiknya untuk negara adalah apabila meraih pingat emas Kejohanan Petanque Terbuka Singapura bagi acara triple lelaki dan pingat gangsa pada Kejohanan Petanque Asia-Pasifik ke-18 di Laos.

Katanya, pada kejohanan petanque antara Universiti Asia di

Palembang, Indonesia, tahun lalu dia hanya meraih pingat gangsa.

"Di peringkat kebangsaan tahun lalu saya merangkul dua pingat emas dalam acara sama pada kejohanan Majlis Sukan Universiti Malaysia (MASUM) dan kejohanan sama pada 2013 saya meraih satu emas, satu perak dan satu gangsa.

Bersaing di SUKIPT

"Pada kejohanan Institut Pengajian Tinggi (IPT) kebangsaan tahun lalu saya meraih dua pingat emas dan kejohanan sama 2013 saya hanya mendapat satu pingat perak," katanya yang juga bersaing di Sukan Institusi Pengajian Tinggi (SUKIPT) 2014.

Dia berkata demikian dalam Majlis Penghargaan Sukan dan Pemberian Insentif Kecemerlangan Sukan UMP 2014 yang dirasmikan Timbalan Naib Canselor (Hal Ehwal Pelajar dan Alumni) UMP, Profesor Datuk Dr Yuserrie Zainuddin di Dewan Astaka UMP, di sini, Ahad lalu.

Pada majlis itu seramai 18 atlet



Syahir dan Laylatun Qadrina **dipilih** Olahragawan dan Olahragawati UMP.

menerima insentif kecemerlangan bernilai antara RM200 hingga RM700. Empat pasukan iaitu petanque, sepak takraw, futsal dan bola keranjang turut menerima insentif sama.

Mohammad Syahir Syahmi yang kini menuntut di Fakulti Kejuruteraan Mekanikal berkata, tumpuan utama tahun ini adalah untuk melakar kejayaan pada ke-

johanan MASUM dan IPT kebangsaan.

Sementara itu, Laylatun, 20, berkata dia meraih empat pingat emas pada kejohanan MASUM 2013 dan pingat perak pada kejohanan antara IPT kebangsaan.

"Saya mendapat tempat pertama pada MASUM 2014 dan kejohanan jempunan Mahasiswa Universiti Tenaga Nasional (UNI-

TEN) dan naib johan kejohanan terbuka Kuala Lumpur.

"Selain memberikan tumpuan kepada kejohanan Sukan Malaysia (SUKMA) bersama kontinjen Kuala Lumpur tahun ini saya juga akan menyertai kejohanan petanque antara IPT kebangsaan," katanya yang kini menuntut dalam bidang Kejuruteraan Elektrik dan Elektronik.